

Райком хаврар хө хургълулхйн тускар

ЯШКУЛЬ. (Мана корр). Шидрхн КПСС-н райком, 108-ч совхозин үвләр болн эрт-хаврар хө хургълуллгънд белдврин тускар болн мал үвлзүүлгънә кōдлмшин йовудар кӯундвр кев. Эн совхозин хошмудар эццн-турнъха хōд ик, хаша-хаацснь киитн—ясвр муугъар кегддж, хō хургълуллгънд муугъар белдвр кегдджәнә, сакманшикӯдт бәәх гермӯд кӯцц биш, гидж КПСС-н райком темдглв.

Тер мет эн совхозд зура угагъар хōд хургълджахиг, зәрм хōбчнр малдан муугъар оньган õгчәхиг райком заав.

Совхозин специалистнр кōдлмшән муугъар кеджәцхәнә, цәәлгъврин кōдлмш малчнр дунд тархаджахш.

Эн бәәх дуту-дундиг уурулхин тōлә КПСС-н райком, совхозин дирекцд болн эклц партийн организацд шишлнъ заавр õгв.